

ՂՐԻՄԻ ՍՈՒՐԲ ԽԱՉ ՎԱՆՔԸ ԵՎ ՆՐԱ
ՆՈՐԱՀԱՅՏ ՎԻՄԱԳՐԵՐԸ

ՏԱԹԵՎԻԿ ՈԱՐԳՍՅԱՆ

Սուրբ Խաչը Ղրիմահայոց գաղութի ամենանշանավոր հոգևոր կենտրոնն էր, հայկական մշակույթի փառավոր վկան, որ դարեր շարունակ, համարյա անընդհատ, եղել է այստեղի հայ առաքելական եկեղեցու աթոռանիստը: Վանքը գտնվում է Ղրիմի լեռների անտառապատ լանջերից մեկի վրա, Ստարի Ղրիմ քաղաքից 3 կմ հարավ-արևելք: Ի դեպ, այս քաղաքի միջնադարյան «Սուրխաթ» անվանումը մի խումբ ուսումնասիրողների (Վ. Մմիրնով, Օ. Ակչոկ-րակլի, Հ. Սուրխաթյան, Ա. Յակոբսոն և այլք) կողմից ներկայացվում է որպես «Սուրբ Խաչի» աղավաղված ձև: Լեռը, որի լանջին գտնվում է վանքը, ինչպես նաև արդ լեռան ստորոտով հոսող գետակը, ժամանակին նույնպես Սուրբ Խաչ անունն են կրել: և վերանվանվել են միայն հետագայում, այս վայրերում թաթարների ամրանալուց հետո: Նախկինում վանքի հարևանությամբ էր անցնում զեպի առափնյա բնակավայրերը՝ ձգվող առևտրական բանուկ ճանապարհը: Վ. Տուրի հավաստմամբ, մինչև օրս էլ դեռ նկատվում են մերձափնյա Շչեբետովկա (նախկինում՝ Օթոլ) գյուղի մոտ գտնվող Ղզլթաշի վանքը Սուրբ Խաչի հետ կապող միջնադարյան ճանապարհի հետքերը:

Թե կոնկրետ երբ և ում կողմից է հիմնադրվել վանքը՝ հայտնի չէ: Սուրբ Խաչի պահպանված ամենավաղ հիշատակությունը վերաբերում է 1347 թ.: Այդ թվին գրված Ղրիմյան մի ձեռագրի հիշատակարանում կարդում ենք. «Ի թվ. Հալոց 999. (1347) կառուցեցաւ սուրբ մատենա՝ աստուածախաւս յաշխարհս Հոնագ, որ այժմ Ղրիմ ասի. Ի մեծ եւ ի հոյակապ քաղաքս Աուրխաթ կոչեցես: Ի հողետներս վերի, առ ոտն սուրբ Խաչին...»:

Մ. Բժշկյանի «Ճանապարհորդության...» մեջ, Սուրբ Խաչ վանքին նվիրված հատվածում հանդիպում ենք այսպիսի տողերի. «Ի միջավայրին գոն կրկին մարմարիոնեալ գերեզմանք առանց գրոյ, փորագրեալ միայն ճղնաւորական գաւազան: Պատմի ի յայսմաւուրս եկեղեցւոյն Մաճառի. թէ սոքա երկու եղբարք կրօնաւորք Յովհաննէս եւ Գէորգ եղեն պատճառ շինութեան վանացոյս»¹, Համալիրի զխավոր կառուցի՝ Սուրբ նշան եկեղեցու թմբուկի քիվատակին

¹ В. Д. Смирнов. Археологическая экскурсия в Крым летом 1886 года.— Записки Восточного отдела Императорского русского археологического общества. Т. 1. вып. 4. с. 287; О. Акчокраклы. Старокрымские и Отузские надписи XIII—XIV вв.—Известия Таврического общества истории, археологии и этнографии. Т. 1. Симферополь, 1927. с. 7; Հ. Սուրխաթյան. Ղրիմի հայոց վանքը.—«Սուրճ», № 6, 1904, էջ 71; А. П. Якобсон. Армянская средневековая архитектура в Крыму.—Византийский временник, № VIII. 1956. с. 168; А. П. Якобсон. Ю. А. Таманян. Армянская архитектура Крыма. Ереван, 1992. с. 8.

² Մ. Բժշկյան. Ճանապարհորդություն ի Լեհաստան և յայլ կողմանս բնակեալս ի հայկազանց..., Վենետիկ, 1830, էջ 328:

³ В. Тур. Крымские православные монастыри XIX—начала XX века (История. Правовое положение.). Симферополь, 1998, с. 98.

⁴ ԺՂ դարի հայերեն ձեռագրերի հիշատակարաններ. կազմեց Լ. Ս. Խաչիկյան. Երևան, 1950, էջ 358:

⁵ Մ. Բժշկյան. նշվ. աշխ., էջ 325.

Ճոխ ծաղկագրով փորագրված արձանագրությունից տեղեկանում ենք, որ վերջինիս կառուցումը սկսվել է 1358 թ. Հովհաննես կրոնավորի, նրա հարազատ եղբայրների և հոգևոր աջակիցների օժանդակությամբ.

ՓԱՌԱՅ ՏԱՃԱՐՍ ԱՍՏՈՒԱԾԱՅԻՆ,
ԵՐԿՐԻ ԴՐԱԽՏ ԿԵՆԱՅ ՓԱՅՏԻՆ,
ՈՐ Է ՊԱՏԿԵՐ ԵՐԿՆԻՅ ՎԵՐԻՆ,
ԵՒ ԵՌԱՆՁՆԵԱԼԸ ԿԱՅԻԱՆԻՆ,
Ի ԾՆՆԴԵՆԷ ՄԱՐՄՆՈՎ ՓՐԿԻԶԻՆ
ՅԵՐԵՔ ՀԱՐԻԻՐ ԵՒ ՀԱԶԱՐԻՆ
ՅՈՒԹ ԵՒ ՅԻՍՈՒՆ ՍԿՍԵԱԼ ԱՄԻՆ (1358—Տ. Ս.)^{*}
ԿԱՆԳՆԵԱԼ ՅԱՆՈՒՆ ՍՈՒՐԲ ՆՇԱՆԻՆ
ՍԱՏԱՐՈՒԹԵԱՄԲ ԻԻՐ ԾԱՌԱՅԻՆ
ՅՈՎԱՆՆԻՍԻ ԿՐԱԿՆԱԻՈՐԻՆ
ԵՒ ՀԱՐԱԶԱՏ ԵՂԲԱՐՅ ՆՈՐԻՆ
ԵՒ ԸՍՏ ՈԳԻՈՅ ՈՐԴՈՅ ԲՆԱԿԻՆՅ:

XVII դարի ճանաչված զրիմահայ տաղերգու, գրիչ, ուսուցիչ Ստեփանոս Թոխատեցին իր 1607 թ. գրված հիշատակարանում ասում է, թե Սուրբ Նշանը, ինչպես նաև Կաֆայի (Թեոդոսիա) Սուրբ Օքսենտ և Սուրբ Քառասունք եկեղեցիները կառուցել է Հովհաննես Սեբաստացին իր եղբայրների՝ պարոն Հակոբի և Ղազարոս գրամարտիկի աջակցությամբ⁷: Թոխատեցին այս տեղեկությունը վերցրել է հին հիշատակարանից:

XIV դարի երկրորդ կեսին Կաֆայում և Սուրխաթում գրված հայկական ձեռագրերի հիշատակարանները գովերգում ու փառաբանում են զրիմահայ գաղութի այդ ժամանակահատվածի հոգևոր առաջնորդ Հովհաննես կրոնավորին կամ Հովհաննես Սեբաստացուն: Ժամանակակիցները որակում են նրան որպես «կորովամիտ և ուղղափառ հոգևոր», «չոյժ հմուտ ասուածաշունչ մատենից», «իմաստուն և խոհեմական», «հերձուածողաց հայածող, ցոփազնացից հճարկանող, զոր այժմ փայլ է իր մէջ եկեղեցւոյ իբրև զսին յուսոյ և իբրև զպարիսպ բարձրապատուար շուրջանակի»⁸: 1368 թ. գրված մի հիշատակարանում ակնավոր գրիչ և ծաղկող նատերի որդին՝ գրիչ Ստեփանոսը, մեծագույն պատկառանքով ասում է. «...այլն աստուծոյ, սրբազան և առաքինի, վեհիմաստ և ճանճարեղ. կորովամիտ և խոհեմիմաց, սրբասէր կրտսնաւոր քահանայ»:

* Միջնադարի հայ տոմարագետների, պատմաբանների հաշվումներով Քրիստոսի ծնունդը, որից սկիզբ է առնում քրիստոնեական թվարկությունը, տեղի է ունեցել ընդունված 1 թվականից երկու տարի առաջ: Ղրիմում ընդօրինակված հայկական ձեռագրերի հիշատակարանները վկայում են, որ Սուրբ Նշան տաճարը հիմնադրող Հովհաննես Սեբաստացին և նրա մերձավորները տարբերվել քրիստոնեական թվականությամբ ներկայացնելիս անսայմանորեն օտովել են 2 տարով շտկված տարբերակից (ԺԴ դարի հայերեն ձեռագրերի հիշատակարաններ, էջ 369—370, 434 435, 496—497, 518—519, 504—505 և այլն): Հնարավոր է, որ արձանագրության մեջ բերված թվականը (1358) նույնպես ներկայացված է շտկված տարբերակով և համապատասխանում է ներկայիս քրիստոնեական թվականության 1356 թ.:

6 Մ. Բ ժ շ կ յ ա ն. Նշվ. աշխ., էջ 324: Այս հրատարակության մեջ սխալ է վերծանված եկեղեցու կառուցման թվականը: Արձանագրության յոթերորդ տողը Բժշկյանը ընթերցել է «...ՅՈՒԹ ԵՒ ԵՐԵՄՈՒՆ ՍԿՍԵԱԼ ԱՄԻՆ...» (1338 թիվ): Սխալը տարածվել է բաղձարթիվ հեղինակների աշխատություններում: Ծիշտ վերծանված տարբերակը հրատարակվել է միայն 1969 և 1970 թթ. Յու. Թամանյանի և Գր. Գրիգորյանի հոդվածներում, ինչպես նաև 1974 թ. Վ. Ա. Միքայելյանի գրքում (Յ ու. Ա. Թ ա մ ա ն յ ա ն. Ղրիմի Սուրբ Խաչ վանքը.— էջմիածին, Մ է—Ը, 1969, է. Ը Դ ր. Գրիգորյան. Новые данные об армянских эпиграфических надписях Крыма и Северного Кавказа.— ՊԲՀ, Երևան, 1970, № 3, էջ 298, В. А. Микаелян. На крымской земле Ереван, 1974, с. 127.

7 Հայերեն ձեռագրերի ժլ. դարի հիշատակարաններ, մաս Ա, կազմեցին Վ. Հակոբյանը և Ա. Հովհաննեսյանը. Երևան, 1970, էջ 253:

8 ԺԴ դարի հայերեն ձեռագրերի հիշատակարաններ, էջ 428, 448—449, 461—462, 494:

նայն տէր Յովհաննէս արքունակալ, այգելութեան հիւսիսական աշխարհի, ստա-
ցաւ զգլխոս տատուածարան մարգարէիցն...: Եւ այնչափ ունէր փոյթ յանձն
իւր և սէր, և սիրէր յոյժ զբանն աստուծոյ, մինչ զի ոչ տալ էուն աչաց կամ
նինջ արեւանաց յրեթեոնոյ զգլխոս սուրբս եւ քննելոյ զխորոս խորհրդոցն, որ
ճաճկեայ են ի նմա»⁹:

Հովհաննէս Սեբաստացին, որպէս Ղրիմի աթոռակալ առաջնորդ, առաջին
անգամ հիշատակվում է 1346 թ. ընդօրինակված երկու ձեռագրերի հիշատա-
կարաններում¹⁰: Դրանցից մեկում ասվում է. «Արդ, գրեցաւ սա յաշխարհս ի
հիւսիսոյ, որ կոչի Խրիմ, ի Լազաւս, որ ասի Սուրխաթ, յաշխարհակալութեանն
ճանիպէկ խանն, ի վերադիտալութեանն տէր Ստեփանոսի, և արքունակալու-
թեանն Յովհաննէս կրանսուորի»¹¹:

Տեղական հոգևոր աւսպիտի պաշտոնները՝ վերագրիտող (իսկ ավելի ուշ
գրված հիշատակարաններում՝ «եպիսկոպոս ամենայն հիւսիսական կողմանց») և
աթոռակալ, վկայում են Ղրիմում ե հարակից տարածքներում հայ առաքելա-
կան եկեղեցու պաշտոնավարման տեղական, կենտրոնացված համակարգի
մասին: Թե երբ է ստեղծվել այդ համակարգը, դժվար է ասել, բայց որ այն
գոյութիւն է ունեցել մինչև հայութեան XIV դարի 30—40-ականների մեծ
գաղթը Ոսկե Հորդանից Ղրիմ¹², կասկածից դուրս է: Կաֆայի 1316 թ. կա-
նոնադրութեան մեջ հիշատակվում է ոմն «հայերի եպիսկոպոս», որի ջան-
քերով Կաֆաում օրմուղ էր անցկացվել¹³:

Ղրիմի աթոռակալ Հովհաննէս Սեբաստացու անունը 1370—1372 թթ.
հիշատակարաններում արդեն գրվում էր կաթողիկոս Մեսրոպ Լ Արտառե-
ցու անմեծապէս հետո¹⁴ (նախորդներում հիշատակվում էին սկզբում հա-
լոց հայրասպետը, հետո՝ տարածաշրջանի հոգևոր առաջնորդը, այնուհետև՝
վերջինիս երեզգոխանը Ղրիմում)¹⁵, 1374—1375 թթ. հիշատակարաններ
նրան արդեն շատ պարզորոշ որակում են որպէս առաջնորդ «ամենայն հիւ-
սիսական կողմանց», որը մինչև ուն ժամանակ աթոռակալում էր Ղրիմում¹⁶:
Երևանի Մատենադարանում 7432 համարի տակ պահվում է Ղրիմում ընդ-
օրինակված մի ձեռագիր, որը 1372 թ. Հովհաննէս Սեբաստացին նվիրել է
Սուրբ Գևորգ տաճարին «ի գաւսոս Ղրիմ մարտառաղաքի»: Հիշատակարանի
միջոցով որված է «հիւսիսական կողմանց աթոռակալ» Հովհաննէս կրոնա-
մորի կնիքով¹⁷: Ամէլի ու շրջանի (1381—1384 թթ.) ձեռագրերը Սեբաստա-
ցուն նորից հիշատակում են որպէս միայն Ղրիմի աթոռակալ, իսկ որպէս
տարածաշրջանի եպիսկոպոս՝ տեղ Ստեփանոսին «տղալ հասակաւ»¹⁸:

Սակայն կրիմն անդադարապէս Սուրբ Նշան տաճարի կառուցմանը
1368 թ. թված հիշատակարանի հատուկ հատվածում գոչ Ստեփանոսն
ասում է. «Թե Հովհաննէս աթոռակալն աստանէր ևս ուսուցանէր ոչ միայն
բանիւ, այլ ևս արդեամբս ի գործ բեռեայ արձանադրուցանէր զուսեայն, ի

9 Նույն տեղում, էջ 485—486:

10 Նույն տեղում, էջ 347—348 և 349:

11 Նույն տեղում, էջ 348:

12 Վ. Ա. Միրալյան. Ղրիմի հայկական գաղութի պատմություն. Երևան, 1964, էջ
73—80: Տե՛ս նաև՝ Մատենադարան, ձեռ. 7442, թ. 281:

13 Հայ-իտալական առնչություններ: Չննովական տորուրները դրիմահայերի մասին Կագ-
մից, նախարար և ձանթագրությունները գրից Վ. Միրալյանը. Երևան, 1974, էջ 28, Վ. Ա.
Միրալյան. Ղրիմահայտո պատմություն. Երևան, 1989, էջ 17: Հեղինակը հիմնվում է
«Monumenta historial patriae», Impositio officii Gazariae, t. 2, 1838, p. 407—408 տվյալ-
ների վրա:

14 ԺԴ դարի հայերեն ձեռագրերի հիշատակարաններ, էջ 494, 496:

15 Նույն տեղում, էջ 428, 461—462:

16 Նույն տեղում, էջ 513—514, 518—519, 538—539:

17 Նույն տեղում, էջ 504—505:

18 Նույն տեղում, էջ 548:

գրելոց սրբոց», այնուհետև շարունակում է. «...Յոռում և ընդ բազում արդիւնաբարութիւնսն զոր սոնէր, արմաւացուցեալ կանգնեաց ի վանս իւր և տաճար երկնաման գեղապանոյն. կամարաձև, գմբեթայարկ, սրբագործ վիճաւք, ոսկեգաւթ գեղազանութեամբ. տեղի անտանելոյն և ի հանգիստ անախտ կամագն աստուծոյ և գեներան գառիկն անմահի. անուանելով զեա Սուրբ Նշան. հինգ խորանաւք, ինն աստիճանաւք յաւրիկնակ վերեոյն Սիոնի...»¹⁹: Եվ այսպես, սույն հիշատակարանը վերջնականապես հաստատում է, որ Մ. Բժշկականի հիշատակած և արձանագրութեան մեջ նշված Հովհաննէս կոռնավորը եղել է իրական պատմական անձնավորություն՝ նույն ինքը դրիմահարութեան հոգևոր առաջնորդ Հովհաննէս Սեբաստացին, ոտն իր աթոռակալութեան միջոցին կառուցել է Սուրբ Խաչ վանքի Սուրբ Նշան տաճարը: Սակայն ինչպես տեսնում ենք, Հովհաննէս կոռնավորը տաճարը կառուցել է «ի մանս իւր», այսինքն իր վանքում: Նշանակում է մինչև տաճարի կառուցումը վանքն արդեն եղել է: Այս հանգամանոր հաստատում է նաև դրիմավանդաբարերում Սուրբ Խաչը դեռևս 1347 և 1348 թթ. հիշատակող գրանցումների գոյությունը (այն ռեպրում, երբ տաճարի կառուցումը սկսվել է միայն 1358 թ.), ինչպես նաև Գ. Սպասուկու այն տեղեկությունը, թե հայերն իրենց վանքի հիմնադրումը վերագրել են 1283 թ.²⁰, Մերձակա բնակավայրի «Սուրբ Խաչ» անվանը, «Սուրբ Խաչ» ձևով, առաջին անգամ հանդիպում ենք XIII դարի 40—50-ականների աղբյուրներում, մասնավորապես «Սեյուկ նամե» քրոնիկում²¹, Մ. Կրամարովսկու վկայությամբ հրեական աղբյուրներում այս անվան ավելի վաղ՝ X—XI դարերի հիշատակումներ կան²²: Ուրեմն, եթե բարձրագույն կամ բնակավայրին տվել են մերձակա Սուրբ Խաչի անունը և քաղաքն էլ XIII դարի կեսերին արդեն այդ անունով հայտնի էր, նշանակում է Սուրբ Խաչը եւ այդ ժամանակաշրջանում պիտի գոյություն ունենար: Եվ ոչ միայն գոյություն ունենար, այլև լինել արդեն համբավվոր, որպեսզի իր անունը տարածեր մերձակա բնակավայրի վրա:

Վերջին շրջանում կատարված հնագիտական հետազոտությունների արդյունքում պարզվել է, որ Սուրբ Խաչ վանքի գավիթը, որը XIV դարի վերջի կառույց է, մասամբ ծածկել է ինչ-որ շինության հետքեր²³: Անկասկած, սրանք վանքի նախնական շինությունների մնացորդներից են, որոնց մասին, ցավոք, այսօր դժվար է դատել, բանի որ այս շրջանի վրա, գավթից հյուսիս, հետագայում այլ կառույցներ են կանգնեցվել:

Հովհաննէս Սեբաստացու շինարարական գործունեության մասին խոսվում է նաև 1694 թ. գրված և Հակոբ Կաֆայեցու գրչին վերագրվող մի բանաստեղծությունում.

Կամաւ սուրբ հոգւոյն ոմրն գիտնական,
Յովհաննէս անուն շնորհիւ պետական.
Լեալ նա յաշխարհէն մեծ սեբաստական,
Կանգնեալ հաւատքով զվանքս Սուրբ Նշան.
Ունելով ընդ իւր զփայտն փրկչական,
Յկեալ ի յաշխարհս փառօր մեծական.

¹⁹ Նույն տեղում, էջ 486:

²⁰ Г. Спасский. Старый Крым.—Записки Одесского общества любителей истории и древностей. Т. 4, с. 100.

²¹ В. Г. Тизенгаузен. Сборник материалов, относящихся к истории Золотой Орды. Т. II. Извлечения из персидских сочинений. Л., 1941, с. 26.

²² М. Г. Крамаровский. Солхат-Крым: К вопросу о населении и топографии города в XII—XIII вв.—В сб.: Итоги работ археологических экспедиций Государственного Эрмитажа. Л., 1989, с. 143.

²³ О. Ломбровский. В. Сидоренко. Солхат и Сурб Хач.—В сб.: Археологические памятники Крыма. Симферополь. 1978, с. 94, 98.

Ամփոփեալ զմասն խնամօք տեառնական,
Վերակառուցեալ գվանքս Սուրբ Նշան²⁴,

Ինչպես տեսնում ենք, այստեղ ևս շեղտված է Հովհաննես Սերաստացու կողմից արդեն կանգուն վանքում վերակառուցողական աշխատանքների կատարած լինելու հանգամանքը: Հավանաբար, շորրորդ տողում խոսքը գնում է բուն եկեղեցու՝ Սուրբ Նշանի կառուցման, իսկ ութերորդում՝ այդ կառուցման հետևանքով՝ վանքում, բնականաբար, տեղի ունեցած վերակառուցման մասին: Հարկ է նշել, որ Սուրբ Նշան եկեղեցու կառուցումից հետո ողջ վանքը սկսում են կոչել այդ անունով: Մասնավորապես, այդ անունով է այն հանգես գալիս XVII դարի հիշատակարանների և վիմագիր արձանագրությունների մեծ մասում: Դրանցում հատկապես գերակշռում է «Ղրիմու սուրբ Նշան» ձևը: Այն, որ Սուրբ Խաչ և Սուրբ Նշանը միևնույն հուշարձանն է, ապացուցում են իրենք՝ հիշատակարանները և մանական շինությունների պատերին փորագրված տասնյակ վիմագրությունները, որոնցում մանքի երկու անուններն էլ հանդիպում են: Կասկածից դուրս է, որ հուշարձանի հնագույն անունը Սուրբ Խաչ է: Սուրբ Նշան անունը, որպես ընդհանուր վանքի անուն, շրջանառության մեջ է մտնում միայն համանուն եկեղեցու՝ տեոի միակ հոգևոր շինության կառուցումից հետո: Սա հասկանալի է: Այդ դեպքում որտեղից է առաջացել Սուրբ Խաչ անունը: Որոշ դեպքերում Սուրբ Նշան հասկացություն խորհրդանշում է հենց խաչը: Սակայն սույն պարագայում եկեղեցին անվանակոչողները ոչ թե խաչն են ի նկատի ունեցել, այլ խաչակիր դատան բարձրարանդակ խորհրդանշանը, որին հանդիպում ենք եկեղեցու երեք կարևորագույն եկեղեցու՝ շքամուտքի վրա, խորանի և գմբեթի առաստաղի կենտրոնում²⁵: Սուրբ Նշան եկեղեցին փաստորեն կառուցվել է որպես «զենարան գառինն անմահի»: Հաղթանակած Քրիստոսին խորհրդանշող այս պատկերը, որի կիրառումը արգելվել է X դարի Տրուլի տիեզերաժողովի կողմից, հունախ է հանդիպում Ղրիմի հայկական, ինչպես նաև ջենովական հոգևոր կառույցներում: Կիլիկյան Հայաստանում այս խորհրդանշանը կիրառվել է պետական մսկարդակով: Վկան՝ դրա առկայությունը Լևոն II-ի ժամանակաշրջանի դրամների վրա²⁶, Հենց այն հանգամանքը, որ վանքը և այդ վանքում եղած միակ սաշտամունքային կառույցը կոչել և այժմ էլ կոչում են տարբեր անուններով, խոսում է այն մասին, որ տաճարի հիմնադրումը պետք է դիտել ոչ թե որպես Սուրբ Խաչի պատմության ելակետ, այլ մի նոր փուլի սկիզբ: Հաստատապես կարելի է ասել, որ վանքում ժամանակին գոյություն է ունեցել Սուրբ Խաչ անունով ինչ-որ սրբություն, որն էլ իր անունն է տվել վանքին:

1778 թ. ռուսական կառավարությունը կազմակերպեց քրիստոնյա ժողովուրդների՝ հայերի և հույների արտագաղթեցումը Ղրիմից: Հայերը գաղթելիս իրենց հետ Ղրիմից տարան ինչպես անձնական գույքն ու արժեքները, այնպես էլ եկեղեցական կահկարասին, գրքերը, սրբությունները: Հաստատվելով Դոնի մերձափնյա տափաստաններում, նրանք հիմնեցին նոր Նախիջևան քաղաքը շրջակա հինգ գյուղերով հանդերձ: Ղրիմյան չուրաքանչուր եկեղեցու անունով այստեղ մի նոր եկեղեցի հիմնադրվեց և նախորդի ունեցվածքը տրվեց նույնանուն նորակառույցին²⁷: Հայտնի է նաև, որ այս գաղթի ժամանակ հայերն իրենց հետ Ղրիմից տարան Սուրբ Խաչ անունով հնագույն մի խաչքար, որը, համաձայն ավանդության, բերված էր եղել Հայաստանից առաջին

²⁴ Մ. Բ ժ շ կ յ ա ն. նշվ. աշխ., էջ 347:

²⁵ Տ. է. Ս ար գ ս յ ա ն, Մ. Վ. Պ ե տ ռ ո ս յ ա ն. Սուրբ Խաչ. Միմֆերոպուլ, 1998, էջ 35:

²⁶ А. Л. Якобсон Указ. соч., с. 178; А. Л. Якобсон, Ю. А. Таманян. Указ. соч., с. 16:

²⁷ Դավթար Ի Արևու բերեալ եկեղեցական անօթիցն արձաթեղինաց և շորեղինաց. — Դիւան հայոց պատմութեան. գիրք Թ. Թիֆլիս, 1911, էջ 11—13:

վերարձանակների կողմից և դարեր շարունակ պահվել էր Սուրբ խաչ վանքում²⁸, նոր տեղում խաչքարը տեղադրվեց նորակառույց Սուրբ խաչ վանքում, որը, համաձայն հր. Շահագրդի տեղեկության, իր անունը ստացել էր ի հիշատակ զրիմյան վանքի²⁹։ Իր հաջորդ աշխատության մեջ Շահագրդը գրում է, թե նոր նախիջևանի Սուրբ խաչ վանքի ամենամեծ սրբությունը ոսկեզօծ ապակեպալա շրջանակի մեջ պահվող խաչքարն է, «որ և ծառայել է իբրև հիմք շինություն և անվանակոչության» վանքի³⁰, երկու տեղեկություններն էլ ճիշտ են և փոխկապակցված։ Նոր նախիջևանի Սուրբ խաչ վանքը իր անունը ստացել է ինչպես այնտեղ պահվող զրիմյոր սրբությունից, այնպես էլ ի հիշատակ զրիմյան վանքի։ Ուրեմն, իբրև նոր նախիջևանի վանքը իր անունը ստացել է խաչքարից, պետք է եզրակացնել, որ նույն խաչքարի անունով է կոչվել նաև Ղոխի վանքը։ Դատելով այն բանից, թե ինչպես են հայերը վերաբերվել նուրբ խաչ կոթողին, ինչպես են երկու դաղթերի ծանրագույն պայմաններում իրենց հետ մեղքերի և լուսնի ծանր բեռը, կարելի է պատկերացնել դրա նշանակությունը մեր ժողովրդի համար։ Հաստատապես կարելի է ասել, որ հենց այս սրբության անունով է կոչվել ինչպես զրիմյան վանքը, այնպես էլ մոտակա բնակավայրը։ Թե ինչպես են կոչել իրենց բնակավայրը իրենք հայերը՝ ո՞վքեր է ասել, բայց շրջակա բնակչությունը ան դիտել է որպես մի վայր, որտեղ ապրել են մարտիկ, որոնք բերել և պաշտել են Սուրբ խաչ, իրենց արտասանությամբ՝ Սուրխաթ, Սուխաթ սրբությունը։ Մ. Բժշկյանը նույն խաչքարը, առեին «Փոխարտ» անվամբ, տեղադրում է Բախաբի գյուղի մոտ ոտնմուտ Փրկչի մանրում³¹, Բժշկյանը խաչքարը չի տեսել։ Նրա ազդեցության ժամանակ ան առեին տեղափոխված է եղել, սակայն Հ. Արղունյանի «Դավթառ» ան տեղեկությունը, որ նորակառույց վանքը օժիկ է «յանուն Փոռկչին է։ Սուրբ խաչին»³², հաստատում է խաչքարի կապը նաև Փրկչի մանրի հետ։ Համանակապես, խաչքարը Փոռկչի վանք է տեղափոխվել XVII դարում Սուրբ խաչում տեղի ունեցած ամերից հրդեհի պատճառով, ինչի մասին մկալում են հնագիտական բազմաթիվ տեղեկություններ³³։ Այս առումով կարևոր է նաև Ռ. Պատկանյանի այն տեղեկությունը, թե զրիմահայերն Անհեռ բեռնած նույնանուն երկու խաչքար են տեղափոխել նոր նախիջևան։ Դրանուհի մեկը մնացել է տեղում՝ Սուրբ խաչ վանքում, իսկ մյուսը տեղափոխվել է Պե. տերրուղի կալսերական թանգարան³⁴։ Խաչքարը մինչև 1922 թ. պահվել է նոր նախիջևանի Սուրբ խաչ վանքում, այնուհետև տեղափոխվել է տեղի նուրբ Կարապետ եկեղեցի³⁵։ Այժմ հուշարձանը գտնվում է իր նախկին տեղում՝ Դոնի-Ռոստով քաղաքի Սուրբ խաչ վանքում, որտեղ բացվել է Ռուս-հայկական բարեկամության թանգարան³⁶։ Խաչքարը քանդակված է հրաբխային բազալտի մրու, ինչը բացառում է դրա զրիմյան ծագումը։ Նեղ, երկարաձև ստելայի դիմաչին երեսին պատկերված են երկու խաչքար։ Ստորինը խոշոր, շատ կարճ հորիզոնական թևերով պարզ խաչ է։ Վերինը խաչը ծայրերում լայնացող հավասար թևեր ունի և առնված է կլոր շրջանակի մեջ։ Պաշտել են

28 С. Хачикян. Хачкар Сурб Хач вновь в Сурб Хаче.—«h»амайнк (Историко-филологический журнал. вып 6, Пятигорск, 1997, с. 28.

29 հր. Շահագրդ. Նոր նախիջևանի Ս. խաչ վանքը. Թիֆլիս, 1901, էջ 7:

30 հր. Շահագրդ. Նոր-նախիջևանի և Նոր-նախիջևանցի. Թիֆլիս, 1903, էջ 72:

31 Մ. Բժշկյան. նշվ. աշխ., էջ 290:

32 Դավթարի Ղուխի բերելու եկեղեցական անթիցն արձանագրության և շրջանագրության.—Դի.ա՛ ճայոց պատմության, գիրք Թ, էջ 11:

33 Օ. Домбровский, В. Сидоренко. Указ. соч., с. 99.

34 Ռ. Պատկանյան. Նոր-նախիջևանի հիմնարկության պատմությունը. Թիֆլիս, 1879, էջ 61—62:

35 Օ. Х. Халпахчьян. Архитектура Нахичевани-на-Дону. Ереван, 1988, с. 90, 92

36 С. Хачикян. Указ. соч., с. 28.

վերին՝ շրջանակի մեջ առնված խաչը, որի կրկնօրինակները քանդակված են նաև սուլթանական վանքի շինությունների պատերին: Ուշագրավ է այն, որ միջնադարյան ավերություններում ևս խոսվում է Սուլթանաթին մոտ գտնվող ինչ-որ կենսակիր խաչի մասին: 1374 թ. հիշատակարանի հեղինակ Սարկոսը ասում է, թե ձեռագրի երկրորդ մասը գրել է Սուլթանաթում, «առ ոտս սուրբ ձողարած կենսակիր խաչին Քրիստոսի»³⁷: Պարզ է, որ Սարկոսը ի նկատի չունի սուրբ խաչ վանքը: Կաշքը, որի մասին նա խոսում է, կանգնեցված է ինչ-որ երկարավուն հենարանի վրա: Կարծում ենք, որ հեղինակը խոսում է հենց ստորին, ձող հիշեցնող խաչի վերևում քանդակված շրջանակված խաչի մասին:

Սուրբ խաչ վանքով հիացել են ինչպես հայերը, այնպես էլ օտարազգիները: Նախ գարի 30-ականների կաֆայի և Թաթարստանը կաթողիկ պրեֆեկտ Կոնստանտին վանքի տաճարը, նույնիսկ, որակել է որպես Հռոմի արժանի կառույց³⁸: 1694 թ. գրված և արդեն հատվածաբար բերված գովք-բանաստեղծության հեղինակը ևս շեշտում է օտարների բացառիկ վերաբերմունքը հայոց վանքի հանդեպ.

Յանկան, փափագին ազինք ամենայն,
Մինչև այլ ազգիք առ ոտը քո գան.
Մուղա եւ Պարոն համ Սուլթան եւ Խան,
Հիացեալ հային հիմանդ Սուրբ Նշան³⁹:

Սակայն կրկին վերադառնանք Սուրբ Նշան եկեղեցու կառուցման ակունքներին: Իրողությունը չի համապատասխանում Մ. Բժշկյանի աշխատության մեջ եղած այն նշումը, թե Սեբաստացին Գեորգ անունով եղբայր է ունեցել: Տաճարի կառուցմանը մասնակցել է նրա կրտսեր եղբայր Ղազարը, որը շինարարության ավարտից քիչ անց վախճանվել է և թաղվել վանքի կամարների տակ. «...մանաւանդ զհարազատ եղբայր տէր Յովհաննիսի՝ զսիրելին եւ զամակ արի զՂազար յիշեսչիք եւ Քրիստոս, որ յամս յայս (1368 թ.—Տ. Ս.) փոխեցաւ առ տէր... և քաղեցաւ պատուական մարմին նորա ընդ ճովանեաւ նարազէն սրբոյ տաճարին Սուրբ Նշանին, որում և բազում էր աշխատեալ նուր ինքն Ղազարն, ի կանգնումն նորին տաճարի»⁴⁰:

Բերված հիշատակարանի մեծագույն արժեքը նաև նրանում է, որ այստեղից տեղեկանում ենք, թե տաճարի շինարարությունը, որ սկսվել էր դեռևս 1358 թ., 1368-ին արդեն եղել է ավարտված: 1362 և 1363 թթ. գրված հիշատակարաններն էլ մատնանշում են Հովհաննես աթոռակալի մյուս եղբորը՝ Հակոբին, որը հմուտ վաճառական լինելով՝ հավանաբար ֆինանսական աջակցություն է ցուցաբերել եկեղեցու կառուցմանը. «...յիշեսչիք զվերագրեալ տէր Յոնանէս, և զծնալսն... և զպատուելի եղբարսն ի՞նչ՝ զիմաստուն վաճառականն զպարոն Յակոբն և զՂազարոս գրամարտիկ»...⁴¹:

Եվ այսպես, պարզվում է հետևյալ իրողությունը. 1358 թ. Ղրիմի Սուրբ խաչ վանքում սկսվել են հոգևոր առաջնորդ Հովհաննես Սեբաստացու նախաձեռնած Սուրբ Նշան տաճարի կառուցման աշխատանքները և ավարտվել մինչև 1368 թ.: Այս աշխատանքներին անմիջականորեն մասնակցել և նյութական աջակցություն են ցուցաբերել առաջնորդի եղբայրները՝ վաճառական Հակոբը և հոգևորական Ղազարոսը: Վերջինս տաճարի կառուցումից քիչ անց վախճանվել է և թաղվել վանքում:

37 ԺՊ դարի հայերեն ձեռագրերի հիշատակարաններ, էջ 513—514:

38 Энциклопедия Дортелин д'Асколи префекта Кафы, Татарии и пр. 1634 г. Описание Черного моря и Татарии) — ЗООИД, т. 24, II, 1902, с. 125: Վ. Ա. Միքայելյան, Ղրիմի հայկական գաղութի պատմություն, էջ 322:

39 Մ. Բժշկյան, նշվ. աշխ., էջ 348:

40 ԺՊ դարի հայերեն ձեռագրերի հիշատակարաններ, էջ 486—487:

41 Նույն տեղում, էջ 456:

«Վանքը նման է ավելի շուտ ահեղ ամրոցի, քան խաղաղ մենաստանի»⁴², Հիմնական կառույցները ներփակված են մեկ ընդհանուր համակարգի մեջ, որի աչքի ընկնող մասը, բնականաբար, զբաղեցնում են եկեղեցին և գավիթը: Սուրբ Նշանը կենտրոնագմբեթ, արտաքուստ ուղղանկյուն, ներքուստ՝ խաչաձև կառույց է: XIV դարի երկրորդ կեսին դրան արևմուտքից կցվել է գավիթը: Սա զույգ կենտրոնական մույթերով, երկթեք տանիքով, արտաքուստ ուղղանկյուն, ներքուստ՝ եռանավ, թաղակապ կառույց է, որի վրա, հարավ-արևելյան անկյունում բարձրանում է ուղղանկյուն կտրվածք ունեցող դիտաշտարակը: 1980 թ. Վ. Սիդորենկոյի գլխավորած հնագիտական արշավախմբի կողմից հայտնաբերվեց գավթի հնագույն արձանագրությունը. փորագրված 1401 թ.⁴³: Այս հանցամասնքը թույլ է տալիս գավթի կառուցումը տեղադրել 1368—1401 թթ. միջև: 1368 թ. ընդունվել է որպես այս ժամանակահատվածի ստորին սահման, որովհետև անհավանական է, որ արդեն գոյություն ունեցող գավիթը շինատակվեր վանքի 1368 թ. մասնակի նկարագրության մեջ:

Գավթի արևմտյան կողմում տարածվում է մեծ կամ կենտրոնական ներքին բակը, որը արևմուտքից սահմանափակվում է սեղանատան երկսրահ կառույցով: Սրկու սրահներն էլ եռանավ, թաղակապ կառուցվածք են ունեցել: Իրասցից Նարավայինը բազմաթիվ փոփոխություններ է կրել և միայն վերջին վերականգնողական աշխատանքների արդյունքում է սկսել ստանալ նարանական տեսքը: Հ. Խալփախչանը, հղելով XIV դարի մի հիշատակարան, ենթադրում է, թե Սուրբ Խաչի սեղանատունը կառուցվել է 1375 թ. սին Հակոբի կողմից⁴⁴, Կարծում ենք, ի նկատի ունի հետևյալ հիշատակարանը. «Յասը ծննդեան տեառն և փրկչին ԽՅՀԷ (1377 թ., իսկ ներկայիս թվականով 1375 թ.) եւ ի յամսեան սեպտեմբերին, կատարեցաւ շինուսս Սուրբ Խաչ, ի տօնի վիերլին. քրա Յակոբ աղբատ հոգին, ի միաբանողաց եղբարց կարգին, ձեռնառութեամբ եղբարց կարգին, շինեցի գսեղանատուսս եւ զտօմարթուս՝ վասն միաբանողաց եղբարցս կարգին»⁴⁵: Սակայն, Ֆրա Հակոբը լինելով Կաֆայի Սուրբ Սիկոլայոս հայկական կաթոլիկ եկեղեցու հիմնադիրը և սպասավորներից մեկը՝ այս շինությունները՝ սեղանատունը և ննջարանները, կառուցել է հենց այդ եկեղեցուն կից⁴⁶, մինչդեռ Սուրբ Խաչը երբևէ կապ չի ունեցել կաթոլիկների հետ: Բերված հիշատակարանում խոսքը գնում է ոչ թե Սուրբ Խաչ վանքի, այլ Սուրբ Խաչի սեպտեմբերյան տոնի՝ հավերացի մասին, որի տոնակատարության օրը (ամսաթիվը) վիճահարույց էր Կաֆայի քրիստոնյաների շրջանում: Ինչ վերաբերում է Սուրբ Խաչի սեղանատանը, ապա վանքի ընդհանուր կառուցվածքից ելնելով, այն կարելի է վերագրել XV դարի սկզբներին:

Սուրբ Խաչը բազմիցս նորոգվել է, վերակառուցվել: 1694 թ. հոգևոր առաջնորդ Հակոբ արքեպիսկոպոսի նախաձեռնությամբ վանքի հարավային կողմում մենաստան է կառուցվում⁴⁷, Այն իրենից ներկայացնում է փոքր ներքին բակը շրջափակող ծնկաձև երկհարկ շինություն: Մենաստանը վանքի հիմնական մասից անջատված է բարձր միջնապատով: 1751 թ. Սուրբ Խաչն ամբողջությամբ վերանորոգվում է⁴⁸, իսկ 1778 թ. բռնագաղթից հետո՝ բար-

42 Г. С п а с с к и й. Указ. соч., с. 101.

43 Крымский филиал Института археологии АН Украины. Отчет В. Сидоренко о проведенных в 1980 году археологических раскопках на территории монастыря Сурб Хач.

44 О. Х а л п а х ч ья н. Архитектурный ансамбль Сурб-Хач в Крыму. «Сурб-Хач», № 2, Симферополь, 1996, с. 11.

* Ի նկատի ունի dormitorius (լատ.)—ննջարանների շենքը:

45 ԺՊ դարի հայերեն ձեռագրերի հիշատակարաններ, էջ 517.

46 Նույն տեղում, էջ 517, 371:

47 Տ. է. Ս ա Ր Գ ս յ ա ն, Մ Վ. Պ ե տ Ր ո ս յ ա ն. Նշվ. աշխ., էջ 21—22, 39—40:

48 Նույն տեղում, էջ 23, 39:

ձիթողի մատնվում: 1795 թ. արքեպիսկոպոս Հովսեփ Արղուիթյան-Երկայնաբազուկը, անհանգստացած վանքի վիճակով, դիմում է Մոսկվայի հայությանը, խնդրելով աջակցել վանքի նորոգությանը և կահավորմանը⁴⁹: Նախապես նա արդեն Նախիջևանից և Աստրախանից սպասք և հանդերձ էր ձեռք բերել և ուղարկել Սուրբ Խաչ, նախաձեռնել էր նաև շինարարական աշխատանքներ. «որև նորոգել ետու զխախտեալ տեղինս, շինեցուցի անդ զառաջնորպարանս, զխուցս և զտունս յաղագս միաբանից և ուխտաւորաց»⁵⁰: Հավանաբար, խոսքը սեղանատան վրա կանգնեցված վերնահարկի և պարսպապատերից գուրս գտնվող հյուրատան մասին է: Առաջինը, համաձայն հնագույն լուսանկարների ընձեռած տվյալների, դեպի հարավ նայող փայտաշեն պատշգամբով սենյակների բաժանված կառույց է եղել, որը XX դարի սկզբին քանդվել է: Իրա տեղում նույն դարի 30-ականներին նոր շինություն է կանգնեցվել, որի ավերակները մինչև օրս էլ կանգուն են: Այս կառույցի հետհեղափոխական ծագման մասին են վկայում պատերի լիցքի մեջ օգտագործված անխղճորեն կոտրատված խաչքարի բեկորները: Արղուիթյանի հիմնած երկրորդ շինությունը՝ հյուրատունը ևս չի հասել մեզ: Սրա տեղում ներկայումս կանգնած է 1930-ականներին կառուցված, սույն նշանակությամբ կիրառվող սյ շինություն, որի արտաքին շարդարանքի սյ քանի տարրերն են մրայն հրեցնուսում նախկինը: 1800 թ., արդեն հայոց կաթողիկոսությունը ստանձնած Արղուիթյանը դիմում է Սուրբ Խաչի վանահայր Կազար վարդապետին. «Սյժմ եեջտ է վասն քոյ և արդիւնաւոր պատեառն՝ որ տեղերն որւան որ շափեցեալ եղև մինչև յՍթաղու նանապարհն՝ անապատն ևս ի մէջ նորա, մեր է և պարտուս սուր շափուլ և պլանն տալ էեգ... Յանձնեմ էեգ և Սուրաղու ալգին, որպէս սուր վանքի...»⁵¹: Սրանից զատ վանքը հողեր է ունեցել նաև շրջակայքում, Պերեկոպի գավառում և այլուր⁵²: 181X դարի վերջին խորեն Ստեփաննի կողմից հայտնաբերված մի վիճակի սալ վկայում է, որ 1830-ականներին վանքում վերանորոգման աշխատանքներ է ծավալել վարդապետ Մանվել Գյուսուշխանեցին⁵³, որը Սուրբ Խաչում է գտնվել առգրավված վանքապատկան հողերը ետ վերցնելու հանձնարարականով⁵⁴: Արձանագրությունից պարզ է դառնում, որ վանքի ներքին աղբյուրը կառուցվել է հենց այս նորոգության ընթացքում: Հ. Սուրխաթյանը ևս խոսում է Գյուսուշխանեցու օրոք վանքում կառուցված աղբյուրի մասին⁵⁵:

Սուրբ Խաչում լուրջ շինարարական աշխատանքներ են ծավալվում 1890-ականներին՝ վարդապետ խորեն Ստեփաննի նախաձեռնությամբ⁵⁶: Սոցիալիստական հեղափոխության հաղթանակից հետո Ղրիմի կառավարական մարմինները առաջարկում են քանդել վանքը և օգտագործել շինանյութը⁵⁷: Հուշարձանների պահպանությամբ զբաղվող մարմիններին մի կերպ հաջողվում է համոզել իշխանություններին, որ վանքը պատմական մեծ արժեք է ներկայացնում, բարվոք վիճակում է և կարող է օգտագործվել այլ նպատակ-

49 Կոնդակ Յովսեփ արքեպիսկոպոսի ի վերայ հասարակութեանն զրեցաք ի Մոսկով յաղագս Ղրիմու: Ս. Խաչ վանից պայծառութեան.— Դիւան հայոց պատմութեան. գիրք Թ, էջ 155—156:

50 Նույն տեղում:

51 Յովսեփ կաթողիկոսի անդրանիկ կոնդակը Կազար վարդապետին.— Դիւան հայոց պատմութեան, գիրք Թ, էջ 334—335:

52 Ն. վրդ. Ստեփաննի. Ղրիմի Սուրբ Խաչ վանք. Ս. Պետերբուրգ, 1891, էջ 36: Վ. Ա. Սիբախեյան. Ղրիմի հայկական գաղութի պատմություն (1801—1917). Երևան, 1970, էջ 138—149:

53 Ն. վրդ. Ստեփաննի. նշվ. աշխ., էջ 9:

54 Վ. Ա. Սիբախեյան. Ղրիմահայոց պատմություն, էջ 281—283:

55 Հ. Սուրխաթյան. նշվ. աշխ., էջ 73:

56 Ն. վրդ. Ստեփաննի. նշվ. աշխ.:

57 Центральный Государственный Архив Крыма, Ф. Р—663, оп. 10, д. 41, л. 31.

ներով⁵⁸։ Հետհեղափոխական շրջանի արխիվային փաստաթղթերը մեզ են հասցրել վանքի անշարժ գույքի ցուցակը՝ ուշագրավ նկարագրություններով։ Դանդերձ⁵⁹։ Սրանք, մասնավորապես, հաստատում են, որ մենաստանի շենքեր և բնակարանները բարկը բակի կողմից փայտե սյուների վրա հենվող տախտակասաօ է ունեցել։ Ուշագրավ է նաև շուրջատան նախնական շենքի արտաքին տեսքը և կոնստրուկցիայի նկարագրությունը։ Նույն փաստաթղթերը վկայում են, որ վանքի բոլոր արժեքները, բացառությամբ արծաթե խաչի և խուլյոր, գողացված են եղել⁶⁰։ 1930-ականներին վանքի տարածքում պիտներական սամբար է բացվել, ինչի առիթով էլ վերականգնվել են բնակելի շինությունները։ 1941—42 թթ. պատերազմի ընթացքում Սուրբ Խաչը խիստ վնասվել է։ Ավերվել են մենաստանի շենքը և պարսպապատերից դուրս գտնվող այլ թաղամասերը⁶¹։ Բարեբախտաբար, հիմնական կառույցներն անխաթար են մնացել։ XX դարի 60—70-ականներին վանքի տարածքում կատարվել են հնագիտական պեղումներ և մասնակի նորոգումներ։ 1993 թ. Սուրբ Խաչում սկսվել են կանոնավոր վերականգնողական աշխատանքներ, որոնք մինչև օրս էլ շարունակվում են։

Վանքի շինությունների պատերին բազմաթիվ վիմագիր արձանագրություններ կան։ Դրանց հիմնական մասը տարբեր առիթներով արված խաչաքանդակներին հարակից հիշատակագրություններ են։ Շատ են նաև վանքի ուխտավորների թողած հիշատակարանները։ Արձանագրությունները գրված են ինչպես սվաղի վրա, այնպես էլ շինությունների սրբատաշ հատվածներին։ Մեծ քանակությամբ վիմագրություններ կան տաճարի շքամուտքին։ Սրանք ժամանակին շքամուտքի հետ մեկտեղ սվաղվել, սպիտակեցվել են, ինչի առիթով դեռևս XIX դարի 90-ականներին իր դժգոհությունն է արտահայտել Խորեն Ստեփանեն. «Դրան երկու կողմում մարմարյա սյուների կան հնագույն զարդերով, բայց թե որ անգետ վանահոր օրով թանձր կրով ծեփած են այս հնություն հիշատակարաններն՝ չդիտեմ»⁶²։ Ինքը՝ Խորեն Ստեփանեն, մաքրել է շքամուտքին փորագրված մի քանի խաչաքանդակներ և արձանագրություններ։ Վ. Սիդորենկոյի գլխավորած հնագիտական պեղումների ընթացքում շարունակվել են շքամուտքի մաքրման աշխատանքները և հայտնաբերվել են մի քանի շափազանց ուշագրավ հիշատակարաններ։ 1995 թ. սվաղից ազատվել է շքամուտքի մեծ մասը, բացվել են մինչև օրս անհայտ մի քանի արձանագրություններ, սակայն փորվածքների մեջ դեռևս տեղ-տեղ պահպանված սվաղի կարծր հատվածները խոչընդոտում են վիմագրերի ընթերցմանը, իսկ երբեմն էլ պարզապես անհնարին են դարձնում այդ աշխատանքը։ XIX դարում Ղրիմ այցելած հայ հոգևորականները և ճանապարհորդները Սուրբ Խաչ վանքում տեսել և գրի են առել վիմագրեր, որոնք ներկայումս գոյություն չունեն։ Չեն պահպանվել Հարություն Սուրխաթյանի նկարագրած գավթի առջև, արևմտյան մուտքից հյուսիս տեղադրված երեք արձանագիր տապանաքարերը, այդ թվում և ակնավոր հոգևորական, վարդապետ Մանվել Գյումուշխանեցու գերեզմանաքարը⁶³։ Անհետ կորել են նաև վանքի երկու բակերը միմյանցից բաժանող պատին և գավթի պատերին ներքուստ ագուցված արձանագիր խաչքարերը, ինչպես նաև բազմաթիվ այսօրինակ այլ հուշարձաններ։ Բարեբախտաբար սրանց մի մասը ժամանակին հրատարակվել է և այդ կերպ հասել մեզ։ Տաճարի և գավթի պատերի սվաղը բազմիցս նորոգվել է և թարմացվել, որի պատճառով էլ կորսվել են սվաղի ստորին շերտերին փորագրված

⁵⁸ Նույն տեղում, թ. 32։

⁵⁹ Նույն տեղում, թ. 6, 17։

⁶⁰ Նույն տեղում, թ. 10։

⁶¹ А. Л. Якобсон. Средневековый Крым. Очерки истории и материальной культуры. М.—Л., 1964, с. 173, прим. 95.

⁶² Խ. վրդ. Ստեփանեն. նշվ. աշխ., էջ 11։

⁶³ Հ. Սուրխաթյան. նշվ. աշխ., էջ 72—73։

1.

ՏԶԿ

2. Ես տր գրի գործառույ
սր խազին եկերաւգո
րի թվ ռնգ իսեմտեմբեր
իմ 5 արի
ԵՂ 5

3.

Ես յակոբ կաթ
Եյի որդ ւ արեոսի
Եկի երկ 9 թ արի
սր շշանիս ի թվ շա
ի 2 ար կաթ

4.

Եգր խազար յ ~~արի~~ սր խազին
Եկե երկրորդ ու շշանիս
վր րդ շնս թվին ռնգ

6.

Թվ ճր
3 ՈՎԱՀՀԵՍ

7. Ես Լեռն էկար
սր ին
Թ ռնգ

5.

ԵՍԻԱԶԲՈՂԷ
ՊԻ ԱՍՆՅԻ
Ե ՌԿՊԱԳ
ՈՒԹԻՆԱՐԻ
ՍԲԼԳԻՆ: ԻԹՎ
ՋՂԵ

8.

Եսդ
ՏԵՅ ԲԻ
Ա շի ՇԵԿԻ
ԵՐԿՐԱՍԻ
ԹՎ ռն

9.

ՍԲԻԱՉՍԱՑԱԲԼ
ԲԱԷԻՍԷ ՄԵԼԵ
ԹՎ ռն 2 ՂԸ

10.

Ես Գրեդ Ե
որ ԵՏԱՅՏ սր
Գրի Գր թ ռն

11.

ՊԱԶԱՐՈՎ

սր խազ

12.

ሀብጽ ለሀብጽ ሀሳብ ገንዘብ ገንዘብ ገንዘብ ገንዘብ
ገንዘብ

13.

ገንዘብ ገንዘብ

14.

ገንዘብ ገንዘብ

15.

ሀብጽ ገንዘብ ገንዘብ ገንዘብ ገንዘብ ገንዘብ ገንዘብ

16.

ገንዘብ ገንዘብ ገንዘብ ገንዘብ ገንዘብ ገንዘብ

17.

1810-ገንዘብ ገንዘብ ገንዘብ ገንዘብ ገንዘብ
ገንዘብ ገንዘብ

18.

ገንዘብ ገንዘብ ገንዘብ ገንዘብ ገንዘብ ገንዘብ

19.

ገንዘብ ገንዘብ ገንዘብ ገንዘብ ገንዘብ ገንዘብ
ገንዘብ ገንዘብ ገንዘብ ገንዘብ ገንዘብ ገንዘብ
ገንዘብ ገንዘብ ገንዘብ ገንዘብ ገንዘብ ገንዘብ

հնագույն արձանագրությունները: Հիշատակագրություններ են եղել նաև վանքում պահվող եկեղեցական սպասքի վրա, որի պահպանված մի քանի նմուշների ցուցակը, փորագրություններով հանդերձ, ներկայացնում է հորեն Ստեփանեն⁸⁴:

1996 թ. լույս տեսավ «Դիվան հայ վիճագրության» մատենաշարի VII պրակը, որի կազմող Գր. Գրիգորյանը ամփոփել է Լևկրախնայի և Սուրբուլայի տարածքում եղած հայկական վիճագիր արձանագրությունները: Այս աշխատության մեջ տեղ են գտել Սուրբ Խաչ վանքի շուրջ 15 վիճագրեր, ներառյալ նաև շորս կարևորագույն շինարարական արձանագրությունները: Սրանցից բացի, պրակում տեղ են գտել նաև վանքի վերը հիշատակված արդեն կորսված արձանագրությունները (բացառությամբ Հ. Սուրխաթյանի հրատարակածների), ինչպես նաև հորեն Ստեփանենի գրքում բերված եկեղեցական սպասքի վրա եղած արձանագրությունները⁸⁵:

Ստորև բերված վիճագրությունները հայտնաբերվել են 1994—97 թթ. և հրատարակվում են առաջին անգամ:

1. Եկեղեցում, հյուսիս-արևելյան խորանի դիմաց, գմբեթատակ հենապատի սրբատաշ հատվածում. չափերը՝ 60×20 սմ:

Թվ[ին]ջհ (1521):

2. Եկեղեցու կենտրոնական խորանից հյուսիս-արևելյանը տանող մուտքի ձախ կողմում, սվաղի վրա.

Ես՝ տ[է]ր Գրիգոր, ծառայ[ի] ս[ուր]բ խաչին, եկի երկ[րպա]զ[ու]թի[ան] թվ[ին] ռհդ (1625) ի սէմտեմբերիա (25) է(7) աւրի՛ եղէ:

3. Նույն մուտքի կամարի վերևում, ձախից.

Ես՝ Յակոբ Կաֆ[ե]ցի, որդ[ի] [Մ]աթ[ե]լուսի, եկի երկ[րպա]զ[ու]թի[ան] արի Ս[ուր]բ Նշանիս ի թվ[ին]ջա (1452). | իշատաբ....:

4. Նույն մուտքի մեջ, աջից.

Ես՝ տ[է]ր Խ[աչատ]ուր, ծ[առայ] ս[ուր]բ խաչին, եկե երկրպագութի[ան] Նշանիս, |.....թվին ռհդ (1625):

5. Եկեղեցու շքամուտքին աջից, վերևում.

Ես Խաչբող.... պի.....ասիցի՛ եկի երկրպագութիւն արի՛ Ս[ուր]բ [Խ]աչին: Ի թվ[ին]ջղե (1546):

6. Նախորդից քիչ ներքև, մակերեսային փորագրությամբ.

Թվ[ին]ջթ (1460): Յովաննէս:

7. Շքամուտքի աջ կողմում, խաչաքանդակի տակ փորագրված արձանագրությունից ներքև.

Ես՝ կէոն էկա ի՛ Ս[ուր]բ Խ[աչ]ին. | թվ[ին] ռժգ (1564):

8. Տաճարի հարավ-արևմտյան լուսամուտի շրջանակին, արտաքուստ.

Ես՝ Դէմիր, | ծառ[ա]յ ս[ուր]բ խաչին, եկի՛ երկըր[պ]ագութի[ան] թվ[ին] ռզ (1557):

9. Արևելյան պատի ճակտոնին, արտաքուստ ագուցված խաչքարին, ելնդագիր.

Ս[ուր]բ խաչս ա[ստուա]ծաին* | բարէխալս է Սմբ... | թվ[ին]ջղը (1347):

10. Գավթում, արևմտյան մուտքի մեջ, ձախակողմյան պատին, սվաղի վրա.

[Ես՝ Մե]լգիսեղէկ, | որ էմ այժմ տ[է]րի Գրիգ[ո]ր, թվ[ին] ռճխը (1699)*:

*Արձանագրության սկզբնամասը եղծված է:

11. Գավթի արևմտյան պատին ներքուստ, մուտքից հյուսիս, փորագիր. Դազար Ս[ուր]բխաչ*:

*Արձանագրությունն անավարտ է:

⁸⁴ Խ. վրդ. Ս տ ե փ ա ն ե. նշվ. աշխ., էջ 14—18:

⁸⁵ Դիվան հայ վիճագրության, պրակ VII. Երևան, 1996, էջ 101—111:

12. Գավթի հյուսիսային սյան հարավային երեսին, խաչապատկերների տակ փորագիր.

Ս[ուր]բ նշանն բար[եխ]ա[ւ]սէ իշխ[ա]նի կենակցի[ն]՝ Շնո[Ֆ]ոռ տիկնիս, եկու... , թվ[ի]ն պհզ (1427)*:

* Իշխանի և Շնոֆորի անունները հանդիպում են նաև 1375 թվին գրված մի հիշատակարանում⁶⁶:

13. Նախորդ արձանագրությունից ցած, ծածկագիր.

Պետրոս. թվ[ի]ն ջլ (1541):

14. Հարավային սյան հյուսիսային երեսին, ձախակողմյան խաչապատկերի հորինվածքում.

թվ[ի]ն ջը (1459):

15. Սկեղեցու շքամուտքի ձախ կողմում, կամարը կրող որմնասյան վրա, վեց փորագիր խաչերի տակ.

Ս[ուր]բ[ի] Սարգի[ս], Ս[ուր]բ[ի] Կարա[պետ], Ս[ուր]բ նշան, Ս[ուր]բ[ի] Յակ[ոբ], Ս[ուր]բ Սիմէոն Ս[ուր]բ Գեորգ:

16. Նախորդից ներքև, գավթի հնագույն՝ 1401 թվի արձանագրության տակ.

Յիշատ[ա]կէ ս[ուր]բ նըշանս Ք[րիստո]սի Ս[ա]յր[գս]ին: Եւ կնոջն Ուաքին:

17. Սկեղանատան արևելյան պատի կենտրոնում, կամարի հիմնամասին, 1762 թվի արձանագրության տակ, ելնդագիր.

(ն)

1810 հոկտեմբերի Սուրբ Խաչի տոն մկրտի...:

* Արձանագրության «ոչ ամբողջական տեքստը հրատարակված է «Դիվան»-ում⁶⁷: Վիմագրագետ Ս. Սաղումյանի կարծիքով այս արձանագրությունը բնթերցվում է «1810 հոկտեմբերիս. Խաչատուր Մկրտիչով»:

18. Հին Ղրիմ քաղաքի երկրագիտական թանգարանում՝ Սուրբ Խաչից բերված տապանաքարի անկյունային բեկորի վրա, ելնդագիր.

Այս է տ[ա]պան... [վար]դապէտի...:

19. Սուրբ Խաչից բերված մեկ այլ բեկորի վրա, ելնդագիր.

[Պետր]ոս վարդապետի որդի[մ]ահտեսի Կարապետին... եզմ... գ (3) տարի մշակութի[ն]...:

МОНАСТЫРЬ СУРБ ХАЧ КРЫМА И ЕГО НОВОВЫЯВЛЕННЫЕ НАДПИСИ

ТАТЕВИК САРГСЯН

Резюме

Монастырь Сурб Хач находится в 3-х км юго-восточнее города Старый Крым (бывший Сурхат, Крым, Эски Крым). В течение нескольких веков Сурб Хач был престолом армяноапостольской церкви в Крыму. Сохранившееся древнейшее сооружение-церковь Сурб Ншан, основана в 1358 г. духовным предводителем крымских армян иноком Ованесом Себастьян, при содействии его родных братьев: священника Газароса и купца Акоба. Однако средневековые армянские источники, археологические исследования, а также различия между названиями собственно монастыря и единственного духовного сооружения, находящегося там, говорят о том, что монастырь существовал и до воздвижения церкви. Имеющиеся сведения подтверждают, что монастырь получил свое название от хранящегося здесь хачкара Сурб Хач. Название же Сурб Ншан (св. Знамение) в данном случае обозначает собою символ агнца с лабарумом или агнца крестоносца, рельефное изображение которого размещено в трех главнейших

⁶⁶ ժՊ դարի հայերեն ձեռագրերի հիշատակարաններ, էջ 517—518:

⁶⁷ Դիվան հայ վիմագրության, պրակ VII, արձ. Մ 222:

точка церкви: над входом, в конхе алтаря и в центре купольного потолка. В конце XIV века к церкви с запада был пристроен гавит. Двухзальная трапезная, отделенная от церкви и гавита внутренним двориком, построена позднее, по всей вероятности в XV веке. Южная часть монастыря—обитель, согласно надписи, построена в 1694 г. архиепископом Акобом. Кроме названных сооружений на территории памятника имеются три фонтана, лестничная аллея, ведущая к нижнему из них, водные резервуары, укрепленные подпорными стенами рукотворные террасы, служившие в сельскохозяйственных целях и т. д. С 1993 г. на территории монастыря ведутся реставрационные работы. В ходе этих работ в 1994—97 гг. было найдено около 19 эпиграфических надписей, которые впервые публикуются в данной статье.

THE SURB KHATCH MONASTERY OF THE CRIMEA AND ITS NEW-FOUND INSCRIPTIONS

TATEVIK SARGSYAN

Summary

The Surb Khatch (St. Cross) Monastery is one of the bright representations of Armenian Architecture and building-art on the north of the Black Sea. In the course of several centuries it was the residence of the clerical chief of Armenians in the Crimea. The monastery is located 3 km southeast of the settlement of the Old Crimea (Surkhat, the Crimea in the past). The oldest construction here the church Surb Nshan (St. Sign, according to the inscription carved on its cupola, was founded in 1358 by the clerical chief Hovhannes Sebastatsy and his brothers: the merchant Hakob and the clergyman Khazar. In this case the name Surb Nshan (St. Sign) has no connection with St. Cross. It is associated with the sign (picture) of the lamb with a flag, symbolizing the victory of Christ, the relief emblem of which is located on the three most important points of the church: the portal, the altar and the centre of the dome-ceiling. However, the Armenian manuscripts of the second half of the XIV century written in the Crimea, the archeological investigations and the difference between the names of the whole monastery and its single church come to prove that the monastery existed long before the foundation of the church. As for the Monastery, it was named after the stone-cross named Surb Khatch transferred from Armenia and kept here for a long time. At the end of the XIV century a northex (gavit) was annexed to the church from the west. The subsidiary constructions of Surb Khatch date back to the XV century. They are located on the west and separated from the clerical part by a big yard. The southern section of the monastery was designated for the cloister, represented by a two-storeyed house split into cells, and a small yard. It was built in 1694 by Archbishop Hakob. Since 1993 the Surb Khatch Monastery has been undergoing restoration. During this period 19 unknown inscriptions were found dating from the XV—XVIII centuries. This article is the first publication of the new-found inscriptions.